

Communicaziun a las medias dals 23 da november 2023

La BCG cun ina topclassificaziun en in studi da bancas

La Banca Chantunala Grischuna (BCG) tutga danovamain tar las meglras bancas en Svizra. En la categoria dals pli gronds instituts examinads è la BCG schizunt sin l'emprim plaz. Quai è il resultat dal studi da quest onn davart il banking da retail da la Scola auta da Lucerna.

Il team da perscrutaziun ha examinà las bilantschas ed ils quints economics da 90 bancas sa basond sin nov cifras distinctivas. En il ranking general 2018-2022 è la BCG sin l'emprim plaz en la categoria dals instituts da finanzas cun ina summa da bilantscha da passa 25 milliardas francs. Cun quest resultat è ella il medem mument la meglra banca chantunala. Il CEO da la BCG Daniel Fust sa legra: «Il bun resultat è il fritg da noss focus che nus mettain consequentamain sin las clientas ed ils clients. Lur basegns stattan en il center tant da nossas cussegliaziuns personalas sco era da noss products.»

Gia per la dudeschavla giada ha il studi davart il retail banking 2022 da l'Institut per servetschs finanziaus da Zug IFZ da la Scola auta da Lucerna examinà la fatschenta principala da las bancas che s'orienteschan sin il martgà svizzer. L'ediziun actuala analysescha d'ina vart la sensibiladad per ils pretschs da clientas e clients da las bancas e da l'autra vart il diever da products da bancassicuranza en Svizra. Ultra da quai preschenta il studi las cifras distinctivas da las bancas da retail e cumpiglia ina analisa da corporate governance detagliada. Ulteriuras infurmaziuns chattais Vus sin: www.hslu.ch/retailbanking

Contact:

Thomas Müller, thom.mueller@gkb.ch, telefon +41 81 256 83 11

Banca Chantunala Grischuna, chascha postala, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias puschidas per lavur voluntara.

La BCG dispona da participaziuns da maioritad a la Banca privata Bellerive AG, a l'Albin Kistler AG ed a la BZ Bank Aktiengesellschaft e d'ina participaziun da minoritad a la Twelve Capital Holding AG. Il scrit da participaziun BCG è quotà a la bursa dapi il 1985.